

趙城縣廣勝寺



大宋新譯三藏聖教序

御製

將

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測苞括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀日歲月煙蘿起香界之自遠巍巍罕測杳杳難名所以道資十聖德被三賢至道起於軋元衆妙生乎太易惣繁形類竅鑿昏明絕彼是非開茲蒙昧有西域法師天息災等常持四忍早悟三乘翻

佛源安伽羅龍王所說大乘經

第張

將字子

貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而弥光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪俱啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途大宅深喻雖設其教不知者多善念生而無量潛臻惡業興而隨緣皆墮調御四衆積行十方澍花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微開豈堪序文以示來者如縻螢燭火不足比之於曷日將微蠡量海未能窮盡於深淵者哉

佛為安伽羅龍王所說大乘經

吳譯經藏經卷之三第張

如是我聞一時佛在大海中安伽羅

龍王官莊嚴道場與大比丘眾七千五百人俱并諸得大智慧菩薩摩訶薩自十方世界皆來集會復有百千俱胝那由他梵王帝釋及護世等天龍夜叉乾闥婆阿修羅誑嚙拏緊那羅摩睺羅伽等亦來集會

爾時世尊見彼一切大眾來集會已告娑伽羅龍王言龍主觀此世間種種行業皆從長起種種心法當感種種果報若彼不了當生種種之趣

龍主汝當觀此大海之眾見作種種士夫色相龍主而彼一切色相由於一切善惡身口意業各各之心種種變化然此心法雖云色相由如幻化無可取故

龍主此之色相一切諸法本無所生亦無主宰復無有我亦無礙故如是種種所作之業諸法自性皆幻化相不可思議

龍主若有菩薩知一切法無生無滅無色無相如實知已所作所修一切善業而無修作所有色相及蘊處界一切生法悉無所見彼若如實得是

見已當復觀察殊妙色相龍主殊妙色相云何觀察當觀如來身相如來身者皆從百千俱胝那由他福德之所生故又如是之相云何嚴持云何恭信當得如是之相復得人間天上無老無死復得十百千他化自在天身乃至大梵天身此由心不散亂專注觀想瞻仰如來最妙之身實知此身一切色相殊妙莊嚴皆從善業所集而得

龍主如汝住宮一切莊嚴亦福所生至於梵王帝釋及護世等乃至天龍夜叉乾闥婆阿修羅迦樓羅緊那羅摩睺羅伽人非人等所有一切莊嚴皆福所生

龍主又此大海之中所有眾生種種或有廣大或復微細多住醜陋彼一切身皆由種種心之所化龍主是故說言隨身口意業之所得龍主如是之報以業為因業為主宰汝當令諸

眾生起智慧心所作所修隨學善業於諸邪見不作不住知彼邪見非為究竟如是知已一切眾生當求為師

咸來供養并得天上人間歸信供養龍主而有一法能令眾生斷於一切惡趣之業云何一法所謂觀察善法而被善法云何觀察當觀自身我於日夜行住坐卧所興心意無不是過如是覺察令四威儀中諸不善法不得發生如是斷盡諸不善法當令善法而得具足復使一切同善眾生悉皆當得聲聞辟支及菩薩等乃至無上正等正覺之位

龍主云何善法我今說之所謂十善之業是為一切根本安住是生天上人間根本安住世間出世間殊勝善法根本安住聲聞辟支佛菩薩根本安住無上正等正覺根本安住云何為彼根本安住所謂十善業道若能遠離殺生偷盜邪淫妄語綺語惡口兩舌乃至貪瞋邪見等若能如是遠離是為十善業道乃是世間出世間根本安住

龍主士夫補特伽羅遠離殺生獲得十種善法云何十法所謂得無畏施他一切眾生得住慈心得正行得不

佛為安樂龍王所說大業經 第六張 并字号

起一切眾生過失之念得少病樂得壽命長得種種非人而作擁護於眠睡覺寤皆悉安隱又得賢聖守護心不耽捨於睡寢中不見惡業苦惱之事自得不怖一切惡趣命終之後得生天上龍主士夫補特伽羅獲得如是十種善法行菩薩道得善心住善根成熟當得無上正等菩提

龍主士夫補特伽羅遠離偷盜獲得十依止法云何為十所謂得大富自在得免王難得免水火賊盜冤家之難得多眷屬善順和睦得多人愛樂不相苦惱凡所言說一切諦信得無量財寶皆悉集聚得此方他方一切稱讚於一切行處無怖無畏得他稱善名讚於智慧又得色力壽命辭辯相應於親非親心無分別不生惱害命終之後得生天界

龍主士夫補特伽羅遠離偷盜獲得如是十依止法以彼善根於諸佛法自能證知當得無上正等正覺
龍主士夫補特伽羅遠離邪淫獲得四智善法云何為四所謂降伏諸根

佛為安樂龍王所說大業經 第七張 并字号

離於散亂得世間一切稱讚復得無量營從

龍主士夫補特伽羅遠離邪淫獲得如是四智善法以此善根當得無上正等正覺復證大丈夫陰藏隱密之相龍主士夫補特伽羅遠離妄語獲得天上人間八種善法云何為八所謂得口處清淨常如青蓮華香又得世間一切正見得天上人間一切愛樂得身口意清淨化彼一切有情令住二業清淨之行得清淨已咸皆歡喜得真實語言必誠信得過人辯所出言辭咸有方便於天上人間離諸過失龍主士夫補特伽羅遠離妄語獲得如是天上人間八種善法而彼善根獲得口業清淨誠實正行當得無上正等正覺

龍主士夫補特伽羅遠離綺語當得三種一向之法云何三種所謂得知法者一向愛樂得一向真實復生智慧得一向為人天師天上人間一切信樂龍主士夫補特伽羅遠離綺語獲得如是三種一向之法已此善根

佛為安樂龍王所說大業經 第八張 并字号

迴向菩提得一切如來授記當證無上正等正覺龍主士夫補特伽羅遠離惡口獲得八種口過清淨而得八種善法云何為八所謂實語愛語依義語軟語離取語多人愛樂語善語有義利語龍主士夫補特伽羅遠離惡口獲得如是八種清淨口業以此善根迴向菩提當來證得無上正等正覺復得最上清淨梵音

龍主士夫補特伽羅遠離兩舌當得五種堅固云何五種堅固所謂得身堅固當得遠離一切怖畏之難故得眷屬堅固不為他人之所貪故得信堅固獲得信業果報故得法堅固獲得果證堅牢故得善友堅固常得愛語攝受故龍主士夫補特伽羅遠離兩舌獲得如是五種堅固以彼善根迴向菩提當證無上正等正覺使彼一切外道魔王等咸不能破壞故龍主士夫補特伽羅遠離貪食獲得八種善法云何為八所謂得貪心消除得殺心不生得嫉妬心不生得樂生聖族心為聖人尊重得慈心以善

業利益一切眾生得身端正得多人
尊重得生於梵世龍主士夫補特伽
羅遠離貪毒獲得如是八種善法以
此善法迴向菩提心不退轉當證無
上正等正覺

龍主士夫補特伽羅遠離瞋毒當得
五種勝願圓滿云何為五所謂修身
口意不退諸根不亂當得一切廣大
富貴圓滿得冤家降伏得一切廣大
福德圓滿得受人天最上供養得一
切廣大功德圓滿於最上受用心所
欲者皆得圓滿如為富貴發百千最
上勝願如願圓滿龍主士夫補特伽
羅遠離瞋毒獲得如是五種圓滿以
此善根迴向菩提證得無上正等正
覺而為三界之所尊故

龍主士夫補特伽羅遠離邪見獲得
十種功德之法云何為十所謂得自
心安善及同行善友深信因果得不
為身命作於罪業不久獲得賢聖之
位得不迷善法修人天行不墮傍生
及焰魔界行於聖道得最上福得離
一切邪法得離身見得見一切罪性

皆空得天上人間正行不闕龍主士
夫補特伽羅遠離邪見獲得如是十
種功德以此善根迴向菩提速能證
了一切佛法當得無上正等正覺

龍主復次觀於十不善法微細之行
多墮地獄餓鬼畜生之趣龍主觀彼
眾生若復殺生當墮地獄畜生焰魔
等界後生人間以餘業故得二種報
一者短命二者若若復偷盜當墮
地獄畜生焰魔等界後生人間以餘
業故得二種報一者自居貧賤二者
不得他人財寶若復邪淫當墮地獄
畜生及焰魔界後生人間以餘業故
得二種報一者愚癡二者妻不貞正
若復妄語當墮地獄畜生及焰魔界
後生人間以餘業故得二種報一者
言不誠實二者人不信奉若復綺語
當墮地獄畜生及焰魔界後生人間
以餘業故得二種報一者言不真正
二者所言無定若復惡口當墮地獄
畜生及焰魔界後生人間以餘業故
得二種報一者言多鬪諍二者人間
不重若復兩舌當墮地獄畜生及焰

魔界後生人間以餘業故得二種報
一者得下劣眷屬二者感親屬分雜
若復多貪當墮地獄畜生及焰魔界
後生人間以餘業故得二種報一者
不能利益他人二者常被他人侵害
若復多瞋當墮地獄畜生及焰魔界
後生人間以餘業故得二種報一者
心常不喜一者多不稱意若復邪見
當墮地獄畜生及焰魔界後生人間
以餘業故得二種報一者邪見二者
懈怠龍主若有行於如是十不善法
決定獲得如是果報復更別得無邊
一諸大苦蘊

龍主若復菩薩遠離殺生修菩薩道
行於布施得大富長壽及無量福得
離一切他侵之怖
龍主若復菩薩遠離偷盜修菩薩道
行於布施得大富貴及無量福而於
一切心無恚惜證得深智諸佛所說
無上法義
龍主若復菩薩遠離邪淫修菩薩道
行於布施得大富貴獲無量福感善
眷屬父母妻男慈無惡見

佛為安樂龍王所說大乘經 第五卷 持字

龍主若復菩薩遠離妄語修菩薩道
行於布施得大富貴獲無量福當感
所有語言一切善軟凡起誠願堅固
不退

龍主若復菩薩遠離綺語修菩薩道
行於布施得大富貴獲無量福所言
真實聞者信受凡有所說斷一切疑
龍主若復菩薩遠離惡口修菩薩道
行於布施得大富貴獲無量福所言
可取聞無背捨於諸眾中無有其過
龍主若復菩薩遠離兩舌修菩薩道
行於布施得大富貴獲無量福於諸
眷屬心住平等愛之如一無有離散
龍主若復菩薩遠離貪毒修菩薩道
行於布施得大富貴獲無量福得端
正身諸根具足見者愛樂心無厭捨
龍主若復菩薩遠離瞋毒修菩薩道
行於布施得大富貴獲無量福得於
仇讎心無所起聞佛法要能生深信
龍主若復菩薩遠離邪見修菩薩道
行於布施得大富貴獲無量福於三
寶所而具正見常近於佛得聞妙法
供養眾僧常無懈退教化眾生令發

佛為安樂龍王所說大乘經 第五卷 持字

菩提之心

龍主若能修此十善之業行菩薩道
初以布施而為莊嚴果報圓滿得大
富貴若以持戒而為莊嚴果報圓滿
得一切佛法願滿具足若以忍辱而
為莊嚴果報圓滿得佛菩提三十二
相八十種好復得梵音具足若以精
進而為莊嚴果報圓滿當能降伏天
魔外道以諸佛法而救度之若以禪
定而為莊嚴果報圓滿當得正念清淨
法行具足若以智慧而為莊嚴果報
圓滿當得永斷一切邪見若以大慈
而為莊嚴果報圓滿能令一切眾生
降伏一切微細煩惱若以大悲而為
莊嚴果報圓滿當得一切眾生心不
厭捨若以大喜而為莊嚴果報圓滿
當得一心而無散亂若以大捨而為
莊嚴果報圓滿當得微細煩惱皆悉
除滅
龍主乃至以四攝法而為莊嚴果報
圓滿當得一切眾生隨順化導若以
四念處而為莊嚴於身受心法悉能
解了若以四正斷而為莊嚴能使一

佛為安樂龍王所說大乘經 第五卷 持字

切不善之法皆悉斷滅得一切善法
圓滿若以四神足而為莊嚴能得身
心皆獲輕利若以五根而為莊嚴當
得信進不退心無迷惑了諸業因永
滅煩惱若以五力而為莊嚴當得不愚
不癡及得永斷貪窮過失若以七覺
支而為莊嚴當得覺悟一切如實之
法若以八正道而為莊嚴當能證得
正智若以奢摩他而為莊嚴當得斷
於一切煩惱若以尾鉢含曩莊嚴當
得了悟一切法之智慧若以正道而
為莊嚴當於有為無為一切方便悉
能了知

龍主我今略說十善之法而有莊嚴
至於十力四智及十八不共之法乃
至如來一切法分皆得圓滿
龍主乃至廣大解說此十善業道莊
嚴之事當令修學龍主譬如大地能
與人界一切國城聚落乃至林樹及
藥草等而為安住又復諸業皆有種
子種子既有四大而成由如種穀初
生芽莖乃至成熟皆依於地龍主此
十善業道能為天上人間一切有情

勝妙安住能令一切有為無為得智
果報一切聲聞及辟支佛乃至菩薩
無上正等正覺而為安住亦復為一
切佛法根本安住龍主我此所說汝
等一切當以正心而生信解
余時娑伽羅龍王并在會諸菩薩摩
訶薩一切聲聞及天人阿修羅乾闥
婆等一切大衆聞佛所說歡喜奉行

佛為娑伽羅龍王所說大乘經

佛為娑伽羅龍王所說大乘經
校勘記

- 一 底本，金藏廣勝寺本。
- 一 一二二頁中一行至本頁下二〇行序文，諸本無。
- 一 一二二頁下二一行經名，石作「佛為娑伽羅龍王所說大乘經一卷」，卷末經名同；徑、清作「佛為娑伽羅龍王大乘法經」。
- 一 一二二頁下二二行譯者，資、碩、普、南作「西天譯經三藏朝散大夫試鴻臚少卿傳教大師臣施護奉詔譯」；徑、清作「宋西天三藏朝散大夫試鴻臚少卿傳教大師施護奉詔譯」。
- 一 一二三頁下一一行「我今」，諸本作「我今」。
- 一 一二四頁中一一行「二業」，諸本作「三業」。
- 一 一二五頁下一七行「龍主」，南作「龍王」。

- 一 一二六頁上一〇行第五字「背」，諸本作「背」。
- 一 一二六頁中一五行末字「不」，徑、清作「無」。
- 一 一二六頁中一七行「一心」，資、碩、普、徑、清作「一切」。
- 一 一二七頁上一行末字「智」，資、碩、普、南、徑、清作「智慧」。